

Høyringsinnspel, planprogram – Regional plan for klima 2022-2035 Vestland fylkeskommune

Bergen og Hordaland Turlag som stemme for naturen

Bergen og Hordaland Turlag (BHT) vart grunnlagt i 1890 og er vestlandets største friluftsforskningsorganisasjon med over 30 000 medlemmar. BHT er tilslutta Den Norske Turlagsforening (DNT) som har over 320 000 medlemmer på nasjonal basis. Turlaget sitt føremål er å tilretteleggje for eit aktivt, allsidig, enkelt og naturvenleg friluftsliv, og for sikring av friluftslivets natur- og kulturgrunnlag.

Tap av natur

Bergen og Hordaland Turlag opplever til liks med mange andre foreiningar og kommunar eit stort press på naturen. Mange stader er mykje natur allereie nedbygd, industrialisert og nytta til vasskraft, vindkraft og kraftlinjer. Reiselivsattraksjonar og hyttefelt legg óg beslag på viktige naturområde. Dei siste tredve ára har 5,9 % villmarksprega natur gått tapt på landsbasis, og vi har att berre 11,5 % natur som ligg meir enn 5 km frå tyngre, tekniske inngrep i landet.

Vi ser at klimaomstilling i form av nye grønne næringar og produksjon av fornybar energi påverkar forvaltninga av naturmiljøet og viktige areal for natur og friluftsliv. DNT er opptatt av å redusere klimagassutslepp, men vi må gjere dette på ein måte som sikrar intakt natur og velfungerande økosystem – verdiar som tilhøyrar ålmenta, no og i framtida.

Det er svært uheldig om vi bygger ned meir verdifull natur som ledd i klimatiltak. BHT er uroa for at ikkje naturverdiane blir vekta nok når dei settast opp i mot andre samfunns- og ikkje minst næringsinteresser. Eit godt verktøy for å hindre bit-for-bit nedbygging eller uheldig utbygging av fornybar energi er dei regionale planane og føringane, men BHT ser at gode hensikter på mange område ofte kan vere motstridande. Vi vil derfor oppfordre til at omsynet til intakt natur og naturmangfald blir heilskapleg ivaretatt og grundig vektlagt i alle regionale planer framover.

Om bakgrunn og mål for Klimaplanen

Vi er svært positive til at FNs berekraftsmål blir lagt til grunn for måloppnåinga planen ser føre seg, særleg mål nr 15 – livet på land, som er eit av dei grunnleggjande måla for å oppnå fleire av dei øvrige måla. Vi er også svært glade for å sjå at planprogrammet anerkjenner viktigeit av velfungerande økosystem og eit rikt naturmangfald på linje med, og som premiss for å bremse klimaendringane. Dette er særleg viktig å ha med seg når utviklingsplanen og regional plan for innovasjon og næringsutvikling har eit sterkt fokus på arbeidsplassar og verdiskaping.

Plantema

BHT støttar val av plantema. Desse tre tilnærmingane er vesentlege for eit tryggare og meir berekraftig Vestland og dei utfyller kvarande bra.

Under kap. 2.3 *Sikre naturmangfald* vil vi gjerne spele inn nokre fleire punkt som vi meiner det er viktig at klimaplanen løfter i tillegg til dei opplista gjeremåla:

- Planen bør ha som målsetting å bidra til å ivareta viktige natur- og friluftslivsområder i Vestland. Herunder store samanhengande naturområde, men óg nærmiljønatur som 100-metersskogen og lokale grøntareal.
- Planen må også bidra til å avklare arealavvegingar av ulike regionale interesser, som til dømes energiproduksjon og energiframføring, versus ivaretaking av landskap og naturmangfald.
- I høve behov for nye utgreiingar så vil vi melde inn trong for meir handfast kunnskapsgrunnlag om viktigheita av urørt natur/store samanhengande naturområde med urørt preg. Betydinga av slike naturområde må utgreiast med tanke på reiselivet, friluftslivet, folkehelsa, naturmangfald og økosystemtenester. Slike utgreiingar vil tene fleire føremål og planar, som til dømes kultur, idrett og friluftslivsplanen, nærings og innovasjonsplanen, samt bidra til meir treffsikre tiltak for klimaomstillinga.

Med helsing

Helene Ødven
Dagleg leiar
Bergen og Hordaland Turlag

Elisabeth Skage
Styreleiar
Bergen og Hordaland Turlag

Siren S. Juliussen
Naturvernansvarleg
Bergen og Hordaland Turlag